



JABATAN KEMAJUAN ISLAM MALAYSIA

TEKS KHUTBAH KHAS GERHANA MATAHARI

Tajuk :

PERINGATAN DARI PERISTIWA GERHANA

Tarikh Dibaca :

**29 RAMADAN 1444H/
20 APRIL 2023M**

Disediakan oleh :

Jabatan Kemajuan Islam Malaysia



**KHUTBAH KHAS GERHANA MATAHARI
PERINGATAN DARI PERISTIWA GERHANA
29 RAMADAN 1444H / 20 APRIL 2023**

الْحَمْدُ لِلَّهِ الْقَائِلِ:

﴿أَعُوذُ بِاللَّهِ مِنَ الشَّيْطَانِ الرَّجِيمِ﴾

وَمِنْ آيَاتِهِ اللَّيْلُ وَالنَّهَارُ وَالشَّمْسُ وَالْقَمَرُ لَا تَسْجُدُوا لِلشَّمْسِ وَلَا لِلْقَمَرِ وَاسْجُدُوا لِلَّهِ-

الَّذِي خَلَقَهُنَّ إِنْ كُنْتُمْ تَعْبُدُونَ ٣٧

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ

صَلِّ وَسَلِّمْ عَلَى نَبِيِّنَا مُحَمَّدٍ وَعَلَى آلِهِ وَصَحْبِهِ وَمَنْ دَعَا بِدَعْوَتِهِ إِلَى يَوْمِ الدِّينِ. أَمَّا بَعْدُ،

فِيَا عِبَادَ اللَّهِ، اتَّقُوا اللَّهَ، أَوْصِيكُمْ وَنَفْسِي بِتَقْوَى اللَّهِ وَطَاعَتِهِ لَعَلَّكُمْ تُفْلِحُونَ.

SIDANG JEMAAH YANG DIRAHMATI ALLAH,

Bertakwalah kepada Allah SWT dengan bersungguh-sungguh melaksanakan segala perintah-Nya dan menjauhi segala larangan-Nya. Mudah-mudahan kita sentiasa berada dalam rahmat dan keredhaan Allah SWT. Selawat dan salam ke atas junjungan besar Nabi Muhammad SAW dan seluruh ahli keluarga Baginda serta sahabat-sahabat baginda yang sama-sama berjuang menegakkan Islam.

SIDANG JEMAAH YANG DIRAHMATI ALLAH,

Sesungguhnya matahari dan bulan merupakan dua daripada bukti dari tanda-tanda kebesaran Allah SWT. Kedua-dua ini termasuk juga antara makhluk dari makhluk-

makhluk-Nya yang taat dan patuh melaksanakan peranan masing-masing. Keduanya menzahirkan dengan jelas sinar cahayanya dan boleh pula tertutup – dengan peristiwa gerhana - dengan perintah dan rahmat Allah SWT. Allah SWT menjadikan sesuatu peristiwa itu dengan kehendak dan ketentuan-Nya sebagai bentuk peringatan kepada hamba-hamba-Nya agar manusia bersegera untuk bertaubat dan melaksanakan segala kewajipan serta menjauhi segala larangan yang telah ditetapkan oleh-Nya.

Kebanyakan manusia pada ketika ini memandang remeh tentang peristiwa gerhana ini, dan tidak mengambil sedikit pun pengajaran, peringatan dan hikmah yang terkandung padanya. Sebahagian manusia hanya memandang peristiwa gerhana ini hanya sekadar peristiwa biasa yang berlaku pada alam ini tanpa memandang kepada peringatan tentang kekuasaan Allah SWT. Bahkan jika dilihat pada sirah terdahulu, manusia menganggap peristiwa gerhana sebegini berkaitan dengan nasib malang atau kematian seseorang.

Sirah tidak terlepas dari merekodkan peristiwa gerhana yang berlaku yang mana kisah mengenainya terdapat dalam kitab-kitab hadis dan beberapa catatan hadis yang membincangkannya pula bertaraf sahih. Imam Muslim rahimahullah merekodkan peristiwa ini dalam kitab Sahih, sebuah hadis dari Abu Musa RA yang mana beliau berkata:

“Telah berlaku gerhana matahari pada zaman Nabi SAW. Lalu Baginda bangun dalam keadaan takut akan berlakunya hari Kiamat sehingga baginda tiba di masjid. Lalu Baginda mendirikan solat yang paling panjang berdirinya, ruku'nya dan sujudnya yang pernah aku lihat Baginda lakukan ketika dalam solat. Kemudian Baginda berkata: Sesungguhnya ini merupakan tanda-tanda yang Allah hantar. Ia tidaklah berlaku kerana kematian atau kehidupan seseorang. Akan tetapi Allah menghantarnya untuk menimbulkan rasa takut pada hamba-Nya. Apabila kamu lihat ia berlaku, segeralah mencari perlindungan dengan mengingati Allah, berdoa kepada-Nya dan memohon keampunan-Nya”. **(Hadis riwayat Imam Muslim)**

Imam Nawawi rahimahullah ketika mensyarahkan hadis ini menyatakan bahawa gerhana berlaku bukanlah sebagai tanda hari akan kiamat, kerana tanda-tanda kiamat

yang lain telah diketahui melalui hadis-hadis lain yang sahih seperti terbitnya matahari dari sebelah barat, keluarnya al-Daabbah dan juga dajjal. Namun, banggunya Rasulullah SAW dalam keadaan takut dan mengerjakan solat yang panjang bacaan dan ruku'nya itu kerana takut ia dari jenis hukuman yang Allah SWT turunkan sepertimana yang berlaku ketika bertiupnya angin dan jelas nampak di wajah Rasulullah SAW yang Baginda tidak menyukainya.

SIDANG JEMAAH YANG DIRAHMATI ALLAH,

Pensyariatan solat sunat gerhana berlaku pada tahun kedua selepas hijrah bertepatan ketika meninggalnya Ibrahim, putera Rasulullah SAW. Ketika zaman jahiliyyah, gerhana matahari ataupun bulan dikaitkan dengan kepercayaan khurafat yang percaya kematian seseorang ada kaitannya dengan gerhana. Inilah yang dipercayai oleh golongan jahiliyyah ketika meninggalnya putera Rasulullah SAW, Ibrahim disebabkan oleh gerhana.

Asal pensyariatannya berdasarkan firman Allah SWT dari Surah Fussilat ayat 37 yang dibacakan pada awal khutbah tadi yang bermaksud:

“Dan antara tanda-tanda kekuasaan-Nya ialah malam dan siang, serta matahari dan bulan. Janganlah kamu sujud kepada matahari dan janganlah pula sujud kepada bulan, dan sebaliknya hendaklah kamu sujud kepada Allah yang menciptakannya, kalau betullah kamu hanya beribadat kepada Allah”.

Berdasarkan ayat ini jelas menunjukkan larangan kepada manusia untuk sujud kepada matahari dan bulan dan sebaliknya memerintahkan manusia untuk sujud kepada Allah SWT sebagai penciptanya.

SIDANG JEMAAH YANG DIRAHMATI ALLAH,

Imam Muslim meriwayatkan dalam sebuah hadis bahawa Rasulullah SAW berkhotbah setelah selesai mendirikan solat sunat ketika terjadinya peristiwa gerhana pada zaman Baginda. Nabi SAW bersabda:

“Wahai manusia! Matahari dan bulan hanyalah dua tanda dari tanda-tanda kebesaran Allah, dan sesungguhnya keduanya tidak ditutupi (terjadi gerhana) disebabkan kematian seseorang dari manusia”. -Abu Bakar mengatakan: “Kerana kematian seseorang”-. Dan apabila kamu melihat sedikit akan hal tersebut maka kerjakanlah solat hingga sinarnya menjadi kembali terang. Tidak ada suatu perkara pun yang telah Allah janjikan ke atas kamu melainkan sungguh, aku telah melihatnya dalam solatku ini. Telah dinampakkan padaku neraka, itulah tatkala kamu melihat diriku mundur sedikit ke belakang, disebabkan aku berasa takut sambaran apinya menimpaku. Hingga aku dapat melihat di dalam neraka tersebut seseorang yang memegang tongkat dengan ususnya yang terburai. Disebabkan oleh dirinya mencuri para jemaah haji dengan tongkatnya tersebut. Apabila dirinya ingat dia memegang pada tongkatnya, jika lupa maka dia berjalan sambil membawanya. Demikian pula aku melihat wanita pemilik kucing yang (dahulu ketika di dunia) mengikat dan tidak memberi makan sedikit pun. Wanita tersebut tidak melepaskannya, sehingga kucing tersebut memakan serangga tanah, hingga akhirnya mati. Kemudian diperlihatkan padaku syurga, iaitu tatkala kamu melihatku maju sedikit ke hadapan hingga aku tetap di tempatku berdiri tadi, sambil aku bentangkan kedua tanganku, kerana aku ingin mengambil buah-buahannya untuk aku perlihatkan kepada kamu, akan tetapi, kemudian aku sedar supaya tidak melakukan hal tersebut. Tidaklah ada suatu perkara pun yang telah dijanjikan oleh Allah ke atas kamu melainkan aku telah melihatnya dalam solatku tadi”. **(Hadis riwayat Imam Muslim)**

SIDANG JEMAAH YANG DIRAHMATI ALLAH,

Mengakhiri khutbah, khatib ingin merumuskan khutbah ini dengan beberapa kesimpulan;

Pertama: Peristiwa gerhana perlu dilihat sebagai salah satu bentuk peringatan tentang kekuasaan dan keagungan Allah SWT yang berkehendak terhadap setiap sesuatu.

Kedua: Ketika berlakunya gerhana, Rasulullah SAW bangun dalam keadaan takut dan bimbang akan berlakunya hari kiamat lantas Baginda mendirikan solat sunat yang Panjang *qiamnya*, ruku'nya dan sujudnya.

Ketiga: Apabila berlakunya gerhana, kita dianjurkan untuk sentiasa bertaubat, melazimi zikir, menunaikan solat yang wajib dan memperbanyakkan solat sunat, memelihara hubungan sesama manusia dan haiwan, serta memperbanyakkan bersedekah kerana inilah pesanan yang telah diperingatkan oleh Baginda Rasulullah SAW.

Firman Allah SWT dalam Surah al-Israa' ayat 44:

سَنُرِيهِمْ آيَاتِنَا فِي الْأَفَاقِ وَفِي أَنفُسِهِمْ حَتَّىٰ يَتَبَيَّنَ لَهُمْ أَنَّهُ الْحَقُّ ۗ أَو لَمْ يَكْفِ بِرَبِّكَ أَنَّهُ عَلَىٰ كُلِّ شَيْءٍ شَهِيدٌ ۗ

Maksudnya: “Kami akan perlihatkan kepada mereka tanda-tanda kekuasaan Kami di merata-rata tempat (dalam alam yang terbentang luas ini) dan pada diri mereka sendiri, sehingga ternyata jelas kepada mereka bahawa Al-Quran adalah benar. Belumkah ternyata kepada mereka kebenaran itu dan belumkah cukup (bagi mereka) bahawa Tuhanmu mengetahui dan menyaksikan tiap-tiap sesuatu?”.

بَارِكْ اللَّهُ لِي وَلَكُمْ بِالْقُرْآنِ الْعَظِيمِ، وَنَفَعِنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ، وَتَقَبَّلْ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ. أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.

KHUTBAH KEDUA

الْحَمْدُ لِلَّهِ عَلَى إِحْسَانِهِ وَالشُّكْرُ لَهُ عَلَى تَوْفِيقِهِ وَامْتِنَانِهِ. وَأَشْهَدُ أَنْ لَا إِلَهَ إِلَّا اللَّهُ وَاللَّهُ وَحْدَهُ لَا شَرِيكَ لَهُ وَأَشْهَدُ أَنَّ سَيِّدَنَا مُحَمَّدًا عَبْدَهُ وَرَسُولَهُ الدَّاعِيَ إِلَى رِضْوَانِهِ. اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ وَسَلَّمَ تَسْلِيمًا كَثِيرًا أَمَا بَعْدُ فَيَا أَيُّهَا النَّاسُ اتَّقُوا اللَّهَ فِيمَا أَمَرَ وَأَنْتَهُوا عَمَّا نَهَاكُمْ عَنْهُ وَزَجْرًا. وَعَلِمُوا أَنَّ اللَّهَ أَمَرَكُمْ بِأَمْرٍ بَدَأَ فِيهِ بِنَفْسِهِ وَثَنِي بِمَلَأَ ثَنِيَّتَهُ بِقُدْسِهِ وَقَالَ تَعَالَى إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ٥٦

اللَّهُمَّ صَلِّ عَلَى سَيِّدِنَا مُحَمَّدٍ صَلَّى اللَّهُ عَلَيْهِ وَسَلَّمَ وَعَلَى آلِ سَيِّدِنَا مُحَمَّدٍ وَعَلَى أَنْبِيَائِكَ وَرُسُلِكَ وَمَلَائِكَتِكَ الْمُقَرَّبِينَ وَارْضَ اللَّهُمَّ عَنِ الْخُلَفَاءِ الرَّاشِدِينَ أَبِي بَكْرٍ وَعُمَرَ وَعِثْمَانَ وَعَلِيٍّ وَعَنْ بَقِيَّةِ الصَّحَابَةِ وَالتَّابِعِينَ وَتَابِعِي التَّابِعِينَ لَهُمْ بِإِحْسَانٍ إِلَى يَوْمِ الدِّينِ وَارْضَ عَنَّا مَعَهُمْ بِرَحْمَتِكَ يَا أَرْحَمَ الرَّاحِمِينَ اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ وَالْمُسْلِمِينَ وَالْمُسْلِمَاتِ الْأَحْيَاءِ مِنْهُمْ وَالْأَمْوَاتِ اللَّهُمَّ أَعِزِّ الْإِسْلَامَ وَالْمُسْلِمِينَ وَأَذِلَّ الشِّرْكَ وَالْمُشْرِكِينَ وَأَنْصِرْ عِبَادَكَ الْمُوَحَّدِيَّةَ وَأَنْصِرْ مَنْ نَصَرَ الدِّينَ وَاخْذُلْ مَنْ خَذَلَ الْمُسْلِمِينَ وَدَمِّرْ أَعْدَاءَ الدِّينِ وَأَعْلِ كَلِمَاتِكَ إِلَى يَوْمِ الدِّينِ. اللَّهُمَّ ادْفَعْ عَنَّا الْبَلَاءَ وَالْوَبَاءَ وَالزَّلَازِلَ وَالْحِنْنَ وَسُوءَ الْفِتْنَةِ وَالْحِنْنَ مَا ظَهَرَ مِنْهَا وَمَا بَطَنَ عَنَّا بَلَدِنَا مَالِيزِيَا خَاصَّةً وَسَائِرَ الْبُلْدَانِ الْمُسْلِمِينَ عَامَةً يَا رَبَّ الْعَالَمِينَ. رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ. رَبَّنَا ظَلَمْنَا أَنْفُسَنَا وَإِنْ لَمْ تَغْفِرْ لَنَا وَتَرْحَمْنَا لَنَكُونَنَّ مِنَ الْخَاسِرِينَ. عِبَادَ اللَّهِ! إِنَّ اللَّهَ يَأْمُرُنَا بِالْعَدْلِ وَالْإِحْسَانِ وَإِيتَاءِ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ وَادْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَى نِعَمِهِ يَزِدْكُمْ وَلَذِكْرُ اللَّهِ أَكْبَرُ.